

兵事志卷十七

兵凶事也戰危機也故聖人治世不得已而用兵奈晚近以來民智日開爭端日起小則乾餼啓隙大則爭地爭城故有土地有人民者必謀一保衛之方以安民而奠國此兵事之必講也明矣西豐之地自遼金元明及有清之初久已爲爭戰之場迄今雖設縣殖民然而邊鄙之區盜賊出沒必不能免倘疎於防範則其禍患必有不可勝言者茲將已往之兵禍備舉紀之以爲後日之殷鑒於是述兵事志第十七

清初之戰役 考盛京通志清初之時與葉赫諸部落戰爭多在此地但以年湮代遠當時之戰蹟皆不可考

西豐縣志

卷十七

兵事

一

西豐國興印刷局校印

拳匪之亂 前清光緒二十六年拳匪肇亂而降隊匪兵爭屯境內時有匪首名天赦與郭慶者陽爲投誠而陰縱部下四出綁掠後經高總管與管帶楊心海設謀將郭慶邀至總管署假會議爲名使楊心海當場捕獲立時槍決並派隊兜剿天赦聞警復行叛去地方從此稍爲安靖迨翼長馬瑞祿率軍駐防政府派員設治一切政治始漸進行焉

甲辰之役 清光緒三十年日俄戰爭俄人敗北東路軍隊從此退却在縣境駐守數月凡境內要隘處均掘戰壕以資防守如縣城北山之遺迹是也當此之日奸民乘機嘯聚匪患復熾而地方又不靖矣人民受禍良非淺鮮

駐防之害 民國二三年間奉天後路巡防由開原移防於縣內所有軍士毫無紀律四出搶掠日有所聞人心危懼甚於匪患幸僅數月即從嚴整頓縣民受害未至深鉅

孫軍布防 民國五年吉林有易督之舉高士賓等抗命不從奉軍討之命孫烈臣司令率軍來此布防於東北境上幸吉軍瓦解未受兵害

仁義軍之害 民國十一年股匪仁義軍率衆千餘連破西安東豐各要鎮嗣由邑東雙橋子來窺縣城經知事吳督飭警甲日夜防護匪知難乘乃由邑東大雞叫經小梨樹河子平岡等處繞回老巢民國十三年冬該匪復由吉林邊境來窺東北之平岡鎮以

西豐縣志

卷十七

兵事

二

西豐國興印刷局校印

防備周至乃乘城防空虛衝破吉林伊通之葉赫站赫爾蘇等處自本縣西北房身咀子直抵距城十餘里之蕎麥牙嶺城內始聞警報縣長蕭以城內僅有鄉團三四百人警察四五十人於是招集士紳會議急電鄰縣來援並調回出防平岡鎮之警甲率同紳民連夜登城北山督飭團丁固守然終以力弱恐爲匪偵悉乃將三四百團丁分置十餘處各據重要迤連五六里俾各取柴燃火一以禦寒一以疑賊心也是役也匪以城內兵多未敢進攻翌日乃由雙廟子等處東去晚間又至石人溝距城更近然城東山最險要而外防之警甲又連夜奔回擇要扼守匪愈難得志越日遂向東南而逸境內得安靖焉

仁義軍之譁變 民國十四年冬股匪仁義軍投誠編爲一團駐防縣城內以未經訓練毫無紀律公然搶掠城鄉之民均受其擾營長賈名一抹黑猶爲凶惡常鼓惑部下欲圖譁變蓋該匪覬覦西豐已久一旦入據實欲乘機叛去以搶掠而飽私囊幸團長徐鴻泰字雁山山東人即報字仁義軍者見機甚早乃設謀捕獲即日搶決按徐與賈均山東人且有戚屬觀其毅然斃賈則知徐無叛變心其後爲部下所悞殊可惜也匪兵雖稍斂迹至十五年五月因上峰欲將該團裁一營留二營而以同時收降之長山本姓張長山其號也現充營長加入爲第三營於是徐之部下有連長姓李匪號佔九州者乃鼓惑各營全部譁變時陰歷四月十八日

爲娘娘廟會蓋乘此時游人衆多易於混亂也

仁義軍圍攻縣署 匪衆既叛佔九州遂率五十餘人圍攻縣署幸蕭知事聞報閉門布防然署內僅有警察二十餘人不足以抵禦適警察一區區官蒲長勝率警趨護遇匪於門外與之格鬥匪知不易攻入乃轉攻陸軍十一旅旅部搶去軍械馬匹於是全部匪兵皆出城外分據南北各山要隘是役也事前毫無消息城內雖有警甲百餘人然衆寡之勢既殊而匪據高險更難抵禦斯時城內爲之一空惟蕭縣長同商會會長夏萬明電話局長屈克伸公欸主任陳天元教育所長張恩書及警察所長崔國藩等籌畫應急方策而已

善後辦法 當匪衆攻縣城時蕭縣長乃飛電奉天告急並密調外區警甲於城外遙爲之勢復令士紳等往返匪巢商量歸順及善後辦法凡三日而奉天陸軍六十六團始到開原匪聞之即羣相譁噪謂地方官紳設計埋伏於是陽雖言和而暗中設備凡城牆之要口與各街各巷皆派人扼守嗣經士紳等以身家作保始將陸軍開進城內一營其餘二營全留城外然當時情況仍爲險惡蕭知事恐兵匪衝突塗炭地面乃忽派四區區長李夢爽等赴匪營磋商俾交還軍械馬匹以全旅長顏面並撤退防備表示讓步後再研究善後辦法而匪首不但未允反要求陸軍退出城外旅長劉香九知難和平解決遂將徐鴻泰招至旅部以會議爲

名乃當場槍決並斃衛兵十餘名以此激怒匪衆立時開火陸軍攜有迫擊砲機關槍等匪知難敵倉卒引去縣城人民尙未大受蹂躪然其損失亦非淺鮮也

戚區官死難 民國五年匪首李景林率衆攻破平崗鎮而戚區官死之

長山入境 民國十四年匪首長山由縣之南境闖入涼泉鎮幾被攻破